

## SAMÞYKKT

### um breytingu á samþykkt um stjórn og fundarsköp Ásahrepps, nr. 131/2022.

#### 1. gr.

A-liður 42. gr. samþykktarinnar orðast svo, ásamt fyrirsögn:

*Fastanefndir, aðrar nefndir, stjórnir og ráð sem sveitarfélagið á aðild að.*

Hreppsnefnd kýs í eftirtaldar nefndir, ráð og stjórnir:

#### A. Til fjögurra ára.

Hreppsnefnd kýs fulltrúa og varafulltrúa þeirra í eftirtaldar nefndir sem kosið er í á fyrsta eða öðrum fundi nýkjörinnar hreppsnefndar og er kjörtímabil þeirra hið sama og hreppsnefndar. Hreppsnefnd kýs nefndum formann og varaformann.

1. *Atvinnu-, jafnréttis- og ferðamálanefnd.* Þrír aðalmenn og jafnmargir til vara. Meðal verkefna er að fjalla um atvinnumál í sveitarfélaginu í umboði hreppsnefndar og gera tillögur til hennar um efni sem tengjast atvinnumálum og mótar framtíðarsýn í atvinnumálum á svæðinu. Nefndin fylgir eftir stefnu hreppsnefndar fyrir hennar hönd og er tengiliður hreppsnefndar við atvinnu- og ferðamál á svæðinu. Einnig á nefndin að vera ráðgefandi fyrir hreppsnefnd í jafnréttismálum innan sveitarfélagsins, sbr. 13. gr. laga nr. 151/2020, um stjórnarsýslu jafnréttismála.
2. *Umhverfisnefnd:* Þrír aðalmenn og jafnmargir til vara.
3. *Stjórn Brunavarna Rangárvallasýslu bs.* Einn fulltrúi og annar til vara. Brunavarnir Rangárvallasýslu bs. er sameinað byggðasamlag í eigu sveitarfélaganna í Rangárvallasýslu. Slökkvi- stöðvar Brunavarna Rangárvallasýslu bs. eru á Hvolsvelli og Hellu.
4. *Fjallskiladeild Holtamannafréttar.* Einn fulltrúi og annar til vara.
5. *Kjörstjórn.* Hreppsnefnd kýs á fyrsta fundi sínum þrjá fulltrúa og jafnmarga til vara í yfirkjörstjórn sveitarfélaga til fjögurra ára sbr. 17. gr. kosningalaga nr. 112/2021.
6. *Oddi bs.* Byggðasamlag um rekstur leik- og grunnskóla Ásahrepps og Rangárþings ytra, þ.e. leikskólinn Laugalandi, Heklukot á Hellu, Laugalandsskóli og grunnskólinn á Hellu. Stjórn byggðasamlagsins skal skipuð fjórum aðalmönnum, þ.e. oddvitum beggja sveitarfélaga og tveimur fulltrúum úr byggðarráði Rangárþings ytra, sbr. auglýsingu um staðfestingu á samþykkt fyrir byggðasamlagið nr. 366/2023. Jafnframt skulu skipaðir fjórir varamenn úr hópi aðal- og varamanna í sveitarstjórn.
7. *Sameiginlegt þjónustusvæði Suðurlands um þjónustu við fatlað fólk, Bergrisinn bs.* Þrettán sveitarfélög á Suðurlandi mynda sameiginlegt þjónustusvæði á Suðurlandi um þjónustu við fatlað fólk í samræmi við lög nr. 38/2018, um þjónustu við fatlað fólk með langvarandi stuðningsþarfir, sem starfar skv. sérstöku samkomulagi. Stjórn þjónustusvæðisins er skipuð þremur fulltrúum, þ.e. einum frá hverju félagsþjónustusvæði, sbr. auglýsingu um staðfestingu á samþykkt fyrir byggðasamlagið nr. 560/2023. Yfirstjórn sameiginlegrar skóla- og félagsþjónustu (NOS) skipar einn fulltrúa í stjórn þjónustusvæðisins. Framkvæmd þjónustusamningsins er í höndum þriggja manna þjónusturáðs og skipar NOS einn fulltrúa.
8. *Félagsmálanefnd Rangárvalla- og Vestur-Skaftafellssýslna.* Einn fulltrúi og annar til vara, skv. 5. gr. laga um félagsþjónustu sveitarfélaga nr. 40/1991 og 87. gr. barnaverndarlaga nr. 80/2002.
9. *Samráðsnefnd Ásahrepps og Rangárþings ytra.* Fimm aðalmenn, auk varamanna. Verkefni samráðsnefndar eru um samstarfið að Laugalandi, um sameign og stjórnun Holtamanna-afréttar og önnur verkefni sem samráðsnefndin telur áriðandi vegna annarra samstarfs- verkefna.
10. *Skipulagsnefnd Umhverfis- og tæknisviðs uppsveita bs.* Ásahreppur, Bláskógabyggð, Flóa- hreppur, Grímsnes- og Grafningshreppur, Hrunamannahreppur og Skeiða- og Gnúpverja- hreppur skipa sameiginlega sex manna skipulagsnefnd uppsveita skv. samþykkt fyrir byggðasamlagið sbr. auglýsingu nr. 35/2022. Ásahreppur skipar einn aðalmann og annan til

vara í nefndina. Nefndin fer með skipulagsmál skv. 6. gr. skipulagslaga nr. 123/2010 og byggingarmál skv. 7. gr. laga um mannvirki nr. 160/2010.

11. *Stjórn Umhverfis- og tæknisviðs uppsveita bs.* Ásahreppur, Bláskógabyggð, Flóahreppur, Grímsnes- og Grafningshreppur, Hrunamannahreppur og Skeiða- og Gnúpverjahreppur eiga aðild að byggðasamlaginu. Aðildarsveitarfélögin tilnefna hvert um sig einn aðalmanng og einn varamann í stjórn byggðasamlagsins að afloknum sveitarstjórnarkosningum og er kjörtímabil stjórnar það sama og sveitarstjórnar. Stjórnarfulltrúar skulu vera aðalmenn í sveitarstjórnnum aðildarsveitarfélaganna. Stjórnin annast daglegan rekstur byggðasamlagsins. Framsals- og valdheimildir til byggingarfulltrúa fara eftir ákvæðum 30.–33. gr. samþykktar þessarar og samþykktar fyrir byggðasamlagið Umhverfis- og tæknisvið uppsveita bs.
12. *Stjórn sameiginlegs seyruverkefnis.* Ásahreppur, Hrunamannahreppur, Bláskógabyggð, Grímsnes- og Grafningshreppur, Skeiða- og Gnúpverjahreppur og Flóahreppur hafa gert samstarfssamning um sameiginlegan seyrurekstur. Ásahreppur skal skipa einn aðalmanng og annan til vara í stjórn verkefnisins.
13. *Stjórn Sorpstöðvar Rangárvallasýslu bs.* Einn aðalmaður og annar til vara skv. samþykktum byggðasamlagsins.
14. *Stjórn Húsakynna bs.* Einn aðalmaður og annar til vara og skulu þeir kjörnir úr hópi aðalfulltrúa hreppsnefndar. Stjórn byggðasamlagsins er skipuð þremur aðalmönnum, tveimur frá Rangárþingi ytra og einum frá Ásahreppi, og eru þeir kjörnir úr hópi aðalfulltrúa í sveitarstjórnunum, sbr. auglýsingu um staðfestingu á samþykkt fyrir byggðasamlagið nr. 762/2022. Húsakynni bs. sjá um eignarhald og rekstur á sameiginlegri eign Rangárþings ytra og Ásahrepps. Sveitarfélögin geta falið Húsakynnum bs. að sjá um eignarhald og rekstur annars húsnaðis ef það samrýmist samþykktum byggðasamlagsins.
15. *Stjórn Félags- og skólaþjónustu Rangárvalla- og Vestur-Skaftafellssýslna bs.* Einn aðalmaður og annar til vara skv. samþykktum byggðasamlagsins.  
Byggðasamlagið fer með verkefni barnaverndarþjónustu samkvæmt 10. gr. barnaverndarlaga nr. 80/2002, sem ekki er falin öðrum.  
Með samþykkt þessari er birtur viðauki um fullnaðarafgreiðslu mála hjá Barnaverndarþjónustu Rangárvalla- og Vestur-Skaftafellssýslu skv. 3. mgr. 12. gr. barnaverndarlaga nr. 80/2002.
16. *Stjórn Vatnsveitu Rangárþings ytra og Ásahrepps bs.* Einn aðalmaður og annar til vara og skulu þeir kjörnir úr hópi aðalfulltrúa hreppsnefndar. Stjórn byggðasamlagsins er skipuð þremur aðalmönnum, tveimur frá Rangárþingi ytra og einum frá Ásahreppi, og eru þeir kjörnir úr hópi aðalfulltrúa í sveitarstjórnunum. Vatnsveita Rangárþings ytra og Ásahrepps bs. starfar samkvæmt samningi sveitarfélaganna um rekstur hennar og samþykkt hennar. Vatnsveitan sér um eignarhald og rekstur allra vatnsveitumannvirkja og dreifikerfis í eigu og á ábyrgð sveitarfélaganna annarra en þeirra sem eru í einkaeigu.
17. *Stjórn Tónlistarskóla Rangæinga bs.* Einn fulltrúi og annar til vara. Þar sem ekki eru kosnar sérstakar nefndir fer hreppsnefnd með verkefni þeirra.

2. gr.

Samþykkt þessi sem hreppsnefnd Ásahrepps hefur sett skv. ákvæðum 9. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.

*Innviðaráðuneytinu, 19. júní 2023.*

F. h. r.  
**Aðalsteinn Þorsteinsson.**

*Hafdís Gísladóttir.*